

Serie A N.º 1175996

SESIÓN ORDINARIA DO CONCELLO PLENO

22/FEBREIRO/2001

SUMARIO

SECRETARÍA

- 1.- APROBACIÓN, SE PROCEDE, DE ACTAS ANTERIORES
- 2.- ACTIVIDADE DE CONTROL DO PLENO
- 3.- DAR CONTA DE RESOLUCIÓNS DA ALCALDÍA

ECONOMÍA, FACENDA E DESENVOLVEMENTO LOCAL

- 4.- DAR CONTA EXPEDIENTE DE MODIFICACIÓN DE CRÉDITO 1/01
- 5.- DAR CONTA EXPEDIENTE DE MODIFICACIÓN DE CRÉDITO 2/01

BENESTAR SOCIAL E XUVENTUDE

- 6.- DICTAME DA COMISIÓN INFORMATIVA DE BENESTAR SOCIAL E XUVENTUDE A APROBACIÓN BASES REGULADORAS DA CONVOCATORIA DE SUBVENCÍONS A ASOCIACIÓNS DE CARÁCTER XUVENIL.
- 7.- DICTAME DA COMISIÓN INFORMATIVA DE BENESTAR SOCIAL E XUVENTUDE EN RELACIÓN CON APROBACIÓN BASES REGULADORAS DA CONVOCATORIA DE SUBVENCÍONS DA CONCELLALÍA DE BENESTAR SOCIAL.

PARTICIPACIÓN CIDADÁN

- 8.- PROPOSTA DO CONSELLO PARROQUIAL DE CHAPELA, REFERENTE A SOLICITUDE Ó SERGAS DOTACIÓN NOVA PRAZA PARA O SERVICIO DE PEDIATRÍA NO CENTRO DE SAÚDE DE CHAPELA, ASÍ COMO DUN ENFERMEIRO/A.

MOCIÓNS

- 9.- MOCIÓN DA CONCELLEIRA DE SERVICIOS SOCIAIS E XUVENTUDE EN MATERIA DE EMIGRACIÓN.
- 10.- ROGOS E PREGUNTAS
- 11.- MOCIÓN DE URXENCIA SOBRE AS MEDIDAS COMPENSATORIAS DOS DANOS CAUSADOS POLOS TEMPORAIS.

ASUNTOS FORA DA ORDE DO DÍA



DEL NUMERADO
CORPORACIÓN
LOCAIS

Na Casa do Concello de Redondela, sendo as vinte horas e dous minutos do día vintedous de febreiro do ano dous mil, baixo a Presidencia do Sr. Alcalde-Presidente, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D^a. AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL FERNÁNDEZ, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, actuando como Secretario o funcionario deste Concello, da escala técnica de Administración Xeral, D. BERNARDO SOTO LÓPEZ, que desempeña accidentalmente o cargo de Secretario do Concello, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Asiste, asimesmo, o Sr. Interventor Municipal, D. Modesto Solla Sanz.

A Presidencia declara aberta a sesión en primeira convocatoria, procedéndose a trata-los puntos da Orde do Día.

1.-APROBACIÓN, SE PROCEDE, DE ACTAS ANTERIORES

Dada conta da acta da sesión do Concello Pleno correspondente á celebrada con carácter ordinario o día 22 de decembro de 2000, polo Concelleiro Sr. Pazos Docampo, manifestase que na deliberación do punto 11 de presente acta "APROBACIÓN DE REPARTO PARA O MANTEMENTO DO PODER ADQUISITIVO", manifestou que se excluíra do reparto de perda do poder adquisitivo os funcionarios deste Concello con habilitación de carácter Nacional, e que o acordo foi adoptado nesas condicións. Nembargantes prosigue, na acta da sesión non figura recollido este extremo.

Na súa virtude **O Concello Pleno**, por unanimidade dos/as Sres/as Concelleiros/as asistentes acordou prestarlle a súa aprobación a acta da súa sesión ordinaria de data 22 de decembro de 2000, engadindo na parte dispositiva do acordo referido o indicado punto o seguinte texto: excluir do reparto de perda do poder adquisitivo os funcionarios deste Concello con habilitación de carácter Nacional.

A Continuación dase conta das actas das sesións extraordinarias urxentes celebradas os días 18 e 31 de xaneiro de 2001, e **O Pleno do Concello**, por unanimidade dos/as Sres/as Concelleiros/as asistentes acordou prestarlle a súa aprobación ás indicadas actas.

2.-ACTIVIDADE DE CONTROL DO PLENO

Non se exercitou ningún tipo de actividade de control.



EL NUMERAD
CORPORACIÓN
LOCAIS

Serie A N.º 1175997

3.-DAR CONTA DE RESOLUCIÓNS DA ALCALDÍA

Polo Sr. Alcalde dase conta das resolucións da Alcaldía dende o 20 de decembro de 2000 ata 16 de febreiro de 2001.

O Concello Pleno, quedou enterado do contido das Resolucións dictadas.-

4.-DAR CONTA EXPEDIENTE DE MODIFICACIÓN DE CRÉDITO 1/01

Dada conta do expediente de modificación de crédito núm. 1/01, O Concello Pleno quedou enterado do contido do citado expediente de modificación de crédito.

5.-DAR CONTA EXPEDIENTE DE MODIFICACIÓN DE CRÉDITO 2/01

Dada conta pola Presidencia do expediente de modificación de crédito núm. 2/01, O Concello Pleno quedou enterado do contido do citado expediente de modificación de crédito.

6.-DICTAME DA COMISIÓN INFORMATIVA DE BENESTAR SOCIAL E XUVENTUDE A APROBACIÓN BASES REGULADORAS DA CONVOCATORIA DE SUBVENCÍONS A ASOCIACIÓNS DE CARÁCTER XUVENIL.

Pola Presidencia dase conta da proposta formulada pola Concelleira de Benestar Social e Xuventude, referente a aprobación das Bases que regularan as Subvencións de carácter Xuvenil sen fin lucrativo, dictaminada favorablemente pola correspondente Comisión Informativa en data 26 de decembro de 2000. Visto o informe obrante no expediente emitido polo Sr. Interventor en data 5 de decembro de 2000, Rfª. T 188/00, O Concello Pleno, en votación ordinaria e por unanimidade dos/as Sres/as Concelleiros/as asistentes adoptou os seguintes acordos:

PRIMEIRO.- Salvar os reparos formulados polo Sr. Interventor no seu informe de data 5 de decembro de 2000, Rfª T 188/00.

SEGUNDO.- Prestar a súa aprobación as Bases que regularan as Subvencións de carácter Xuvenil sen fin lucrativo.

7.-DICTAME DA COMISIÓN INFORMATIVA DE BENESTAR SOCIAL E XUVENTUDE EN RELACIÓN CON APROBACIÓN BASES REGULADORAS DA CONVOCATORIA DE SUBVENCÍONS DA CONCELLALÍA DE BENESTAR SOCIAL.

Pola Presidencia dase conta da proposta formulada pola Concelleira de Benestar Social e Xuventude, referente a aprobación das Bases Reguladoras da Convocatoria de Subvencións da Concellalía de Benestar Social, dictaminada favorablemente pola correspondente Comisión Informativa en data 26 de decembro de 2000. Visto o informe obrante no expediente emitido polo Sr. Interventor en data 7 de decembro de 2000, Rfª. T 191/00, O Concello Pleno, en votación ordinaria e por unanimidade dos/as Sres/as Concelleiros/as asistentes adoptou os seguintes acordos:



184471
PRIMEIRO.- Salvar os reparos formulados polo Sr. Interventor no seu informe de data 7 de decembro de 2000, Rfª T 191/00.

SEGUNDO.- Prestar a súa aprobación as Bases Reguladoras da Convocatoria de Subvencións da Concellalia de Benestar Social.

8.-PROPOSTA DO CONSELLO PARROQUIAL DE CHAPELA, REFERENTE A SOLICITUDE Ó SERGAS DOTACIÓN NOVA PRAZA PARA O SERVICIO DE PEDIATRÍA NO CENTRO DE SAÚDE DE CHAPELA, ASÍ COMO DUN ENFERMEIRO/A.

Pola Presidencia dase conta da proposta formulada pola Presidenta do Consello Parroquial, de data 26 de xaneiro de 2000, que dí:

"Atendendo ó acordo adoptado no Consello Parroquial de Chapela, na súa xuntanza do 15 de xaneiro de 2001, na que se tratou, entre outros asuntos, a situación dos servizos que presta o Centro de Saúde, e en base ás seguintes consideracións:

1.- A masificación dos Centros de Saúde, sobre todo en algunhas especialidades, impide que se garanta unha asistencia adecuada.

2.- O Centro de Saúde de Chapela, que atende a unha poboación infantil considerabel, conta con tan só un pediatra, resultando imposible atender adecuadamente as necesidades existentes.

3.- As demandas de máis especialistas, feitas polo mesmo persoal sanitario, polos veciños/as e polo Concello, non foron atendidas polo SERGAS.

Atendendo ó exposto, o Consello Parroquial de Chapela adoptou o acordo unánime de solicitar ó Pleno do Concello a adopción do seguinte acordo:

Solicitar ao Servizo Galego de Saúde a dotación dunha nova praza para o Servizo de Pediatría no Centro de Saúde de Chapela así como dun/ha enfermeiro/a, que permita prestar un servizo adecuado á poboación infantil desta parroquia.

DELIBERACIÓN.- Aberto debate intervén a Sra. Pérez Orge e indica que a proposta trátase dunha demanda do colectivo de veciños que teñen representación no Consello Parroquial e que foi aprobada por unanimidade do mesmo ante a masificación de poboación infantil no Centro de Saúde de Chapela.

De seguido interven a Sra. Martínez González, que incide no referente á masificación na demanda de consulta da poboación pediátrica e propón que se engada na parte dispositiva do acordo a adoptar o seguinte "Que ou ben se cree unha nova praza ou se solucione o exceso da demanda doutro xeito, sempre sobre a base de atención pediátrica ata os catorce anos co tempo de consulta necesario para que a atención tanto preventiva como curativa sexa a idónea".

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita, engadíndolle a mesma o seguinte parágrafo "Que ou ben se cree unha nova praza ou se solucione o

Serie A N.º 1175998

exceso da demanda doutro xeito, sempre sobre a base de atención pediátrica ata os catorce anos co tempo de consulta necesario para que a atención tanto preventiva como curativa sexa a idónea".

9.-MOCIÓN DA CONCELLEIRA DE SERVIZOS SOCIAIS E XUVENTUDE EN MATERIA DE EMIGRACIÓN.

Con carácter previo o tratamento deste asunto acordase por unanimidade correxir o enunciado que figura na orde do día substituíndo o vocábulo do mesmo "inmigración" por Emigración.

Pola Presidencia dase conta da moción presentada pola Concelleira de Servicos Sociais e Xuventude, no seu nome e no do Grupo Municipal do PSdeG-PSOE, en data 29 de xaneiro de 2001 que dí:

"Como consecuencia da crise económica que están sufrindo algúns dos países nos que residen un número importante de emigrantes galegos, estamos asistindo a un novo fenómeno migratorio, esta vez cara o seu país de orixe, que está colapsando os servizos consulares españois no exterior, sobre todo en Arxentina e Venezuela.

Estes compatriotas nosos reciben unha información insuficiente, cando non sesgada e intencionadamente deformadora das posibilidades económicas que a España actual lles pode ofertar, que os leva a tomar decisións partindo dunha análise da realidade española e galega moitas veces enganosa.

A realidade é que aqueles que tomaron o camiño da emigración cando eran mozos e nenos, deixaron un país practicamente na ruína económica, política e social e hoxe percíbennos como se de un novo El Dorado se tratase. Moitos deles teñen eiqui herdanzas e posesións abandonadas das que descoñecen o seu valor real, véndose moitas veces sometidas a verdadeiros timos por persoeiros "benintencionados" que amparándose en comitivas oficiais préstanse a comprarlle-los "por lle facer un favor" a prezos redículos.

De igual xeito, levados polas informacións que aparecen nos medios oficiais de comunicación, tenden a pensar que España, e máis concretamente Galicia, disfrutan de pleno emprego e que abunda con aterrizar en Lavacolla e os está esperar un contrato de traballo. Os maiores están convencidos, ademais, de que en Galicia cada persoa disfruta dunha pensión digna e que existe equipamento social suficiente para acoller, incluso, a todos aqueles que non teñen residencia nin recursos para adquirirla.

Desgraciadamente, e a pesar do salto cualitativo e cuantitativo que se ten producido no noso País en todos estes temas dende o momento da partida dos nosos emigrantes ata hoxe, aínda queda un longo camiño que precorrer para que esta visión idílica que se transmite ós galegos residentes no exterior sexa unha realidade tanxible. Ata mentras eso non se produza sería bo que aquelas persoas que, lexitamente, opten polo retorno coñezan realmente a realidade coa que se poden atopar nos seus concellos de orixe. Para iso, ninguén como os propios servizos municipais do Concello a onde se pretende retornar, lles pode informar con máis exactitude e veracidade. Dende facilitar información sobre o estado dos seus bens materiais en España, dos vínculos familiares perdidos, dos servizos sociais e asistenciais, das distintas liñas de axudas a que poden



acollerse en temas diversos como: vivenda, residencias da 3ª idade, dotación educativa, etc., ou calquera outra que fose de interese para que demanda información nunha situación delicada.

Para iso, o Grupo Municipal do PSdeG-PSOE, presenta diante do Pleno do Concello a seguinte

PROPOSTA

1º.- Instar a Xunta de Galicia a establecer unha liña de axuda económica suficiente, e con carácter finalista, os concellos da Comunidade Autónoma co fin de que estes, dentro dos seus programas de asistencia social, establezan un departamento de axuda, información e asistencia os emigrantes que así o demanden.

2º.- A difusión e información sobre este programas farase a través de tódolos medios públicos e privados a que teñen acceso os nosos emigrantes, con cargo os presupostos da Xunta de Galicia.".

O Pleno do Concello, en votación ordinaria e por unanimidade dos/as Sres/as Concelleiros/as asistentes acordou prestarlle a súa aprobación á moción antes transcrita.

10.- ROGOS E PREGUNTAS

Non se formularon.

11.-MOCIÓN DE URXENCIA SOBRE AS MEDIDAS COMPENSATORIAS DOS DANOS CAUSADOS POLOS TEMPORAIS.

Dada conta pola Presidencia de terse presentado polo grupo municipal do B.N.G. moción sobre as medidas compensatorias dos danos causados polos temporais.

Intervén o Sr. Conde Romero que manifesta que a sesión é extraordinaria e que polo tanto non se admiten mocións de urxencia.

A Presidencia atendendo o carácter ordinario da sesión somete a votación a urxencia da presente moción dando o seguinte resultado: Votos en contra da urxencia os/as Sres/as Concelleiros/as do PP (7); Votos a favor os/as Sres/as Concelleiros/as do PSdeG-PSOE (9) e os dos/as Sres/as Concelleiros/as B.N.G.(4). Na súa consecuencia por maioría de votos entrase no coñecemento do contido da referida moción que transcrita dí:

"Xose Carlos Pazos Docampo, Portavoz do Grupo municipal do Bloque Nacionalista Galego nesta Corporación, apresenta esta moción para o seu debate e aprobación polo Pleno:

Nos últimos meses do ano 2000 e nos primeiros que levamos deste ano, Galiza, sufriu condicións metereolóxicas adversas, excepcionalmente graves, caracterizadas por intensas chúvias e fortes ventos, e que provocaron, por efecto acumulativo, cuantiosos danos en bens públicos e privados.

Serie A N.º 1175999

É competencia do Goberno do Estado habitar medidas e recursos para facer fronte a situación de infortúnio público, como é a provocada no noso país polas circunstancias que vimos de mencionar.

Mais, transcorrido tempo dabondo desde o inicio dos temporais, aínda hoxe están sen concretar as axudas que veñan compensar, por parte do Goberno Central, os danos sufridos no noso concello, nunha verdadeira actitude de insolidariedade e omisión diante desta situación.

A única medida concreta da que se dispón na actualidade é a habilitación dun fondo reintegrábel por parte da Xunta de Galiza para adiantar aos concellos o 20% do custo dos danos sufridos polas entidades locais. No día de hoxe, o noso Concello, non ten a certeza de contar con recursos específicos destinados polo Goberno Central para poder reintegrar á Administración Autonómica esta cantidade adiantada.

Diante desta situación, somete-se ao Pleno da Corporación municipal a adopción do seguinte

ACORDO

- 1.- **Trasladar ao Goberno Central a preocupación desta Corporación pola ausencia de medidas concretas destinadas a reparar os danos causados polos temporais.**
- 2.- **Solicitar do mesmo Goberno Central a urxente promulgación do Decreto-Lei que habilite medidas compensatorias da grave situación provocada polos temporais nos bens e infraestruturas, tanto públicas como privadas."**

DELIBERACIÓN.- Aberto debate intervéñen o Sr. Conde Romero que di que o Goberno Central esta preocupado polos danos causados polos temporais e está adoptando as medidas necesarias para resolver este problema. Considera oportunismo político a presentación da moción polo B.N.G. por canto reitera que o Goberno esta facendo o estudo de todos os danos ocasionados e en breve publicará un Decreto-Lei sobre esta materia.

O **Sr. Núñez Salgado** indica que o fondo da moción é precisamente que se adopten e se axilicen as medidas necesarias para a resolución do asunto.

O **Sr. Pazos Docampo** manifesta que está claro que a moción é de oportunidade política, e o que se pide na mesma e que se habiliten os cartos para facer fronte ós gastos do temporal, ou o que é o mesmo pídese que o Goberno Central afronte os gastos a que ten obriga de facer fronte polos danos causados polo temporal mediante a habilitación da correspondente partida orzamentaria.

De novo interven o **Sr. Conde Romero** e di que esta moción non ten razón de ser por canto os temporais fai quince días que se produciron e xa se piden os cartos. Entende que se debe ser razoable e dar o tempo preciso para solucionar-lo tema.

O **Sr. Núñez Salgado** di que no ano oitenta e sete o goberno socialista en quince días declarou zona catastrófica por situación similar e concedeu os cartos.

O **Sr. Pazos Docampo** di que solo hai dúas solucións ou ben apoiar a moción ou aceptar a proposta do PP referente a que o Goberno Central xa esta estudando isto.



0003111

Considera que o asunto xa tiña que estar solucionado, por canto o Goberno xa debera ter habilitada a correspondente partida económica e publicado o conseguente Decreto regulador.

Remata as intervencións o **Sr. Conde Romero** manifestando que o Goberno está estudando o tema.

VOTACIÓN E ACORDO.-Votos en contra os dos/as Sres/as Concelleiros/as do PP (7), a favor os dos/as Sres/as do PSdeG-PSOE(9) e os dos/as Concelleiros/as B.N.G.(4). Na súa consecuencia por maioría de votos resultou aprobada a moción antes transcrita.

ASUNTOS FORA DA ORDE DO DÍA

Prevía declaración de urxencia feita por unanimidade dos/as Sres/as Concelleiros/as asistentes, foron tratados os seguintes asuntos:

A).- PROPOSTA DO ALCALDE REFERENTE Ó RECURSO CONTENCIOSO ADMINISTRATIVO NÚMERO 03/0008856/2000 E.M.

Pola Presidencia dase conta da súa proposta de data 20 de Febreiro de 2001, que transcrita dí:

"Visto o escrito da Sección Terceira da Sala do Contencioso-Administrativo do Tribunal Superior de Xustiza de Galicia, de data 31 de Xaneiro de 2001, rexistrado de entrada baixo o número 794, do 6 de Febreiro, polo que -admitido a trámite o Recurso Contencioso-Administrativo número 03/0008756/2000 E.M., interposto por DONA MARINA MARTÍNEZ FERREIRA, DONA YOLANDA FONTÁN FERÁÑDEZ, D. JOSÉ MANUEL SOTO VIRULEGIO D. ALFREDO CASAL BOUZÓN e D. JOSÉ MARCIAL PÉREZ ABREU, contra acordo do Concello de Redondela de 17-07-2000, polo que se aproba definitivamente a modificación da Ordenanza Fiscal reguladora da taxa por ensinanzas especiais nos establecementos docentes do Concello -de conformidade co establecido no artigo 48 da Lei 29/1998, de 13 de Xullo, reguladora da Xurisdicción Contencioso-Administrativa, se reclama o expediente administrativo e se proceda a practica-los emprazamentos a que se refire o artigo 49 da citada Lei, e dar cumprimento, no seu caso, ó establecido no número 1 do artigo 38, ós fins previstos no mesmo.

Visto o artigo 22.2 j) da Lei 7/1985, de 2 de abril, Reguladora das Bases do Réxime Local, esta Alcaldía ó Concello Pleno, propón a adopción dos seguintes acordos:

PRIMEIRO.- Remitir á Sección Terceira, da Sala do Contencioso-Administrativo do Tribunal Superior de Xustiza de Galicia o expediente administrativo solicitado.

SEGUNDO.- Acorda-la comparecencia e persoación do Concello de Redondela nos autos do recurso contencioso-administrativo número 03/0008756/2000 E.M., mediante o avogado adscrito ó servizo xurídico-contencioso deste Concello, D. LUIS ALFONSO PEREIRA FERNÁNDEZ.

TERCEIRO.- Notifica-los presentes acordos, nos cinco días seguintes a súa adopción, a cantos aparecen como interesados no expediente administrativo,

Serie A N.º 1176000

emprazándoos para que poidan persoarse como demandados no prazo de nove días, incorporándose ó expediente a xustificación dos emprazamentos efectuados, salvo que non poideran practicarse dentro do prazo fixado para a remisión do expediente, caso no que este enviarase sen demora, e a xustificación dos emprazamentos unha vez se ultimen, segundo o disposto no Artigo 49 da Lei 29/98, de 13 de Xullo, Reguladora da Xurisdicción Contencioso-Administrativa".

VOTACIÓN E ACORDO: O Concello Pleno, por unanimidade dos/as Sres/as Concelleiros/as asistentes, prestoulle a súa aprobación á Proposta da Alcaldía transcrita.

B).- Pola Presidencia, previa lectura do escrito da Delegación Provincial de Pontevedra (Vigo) da Consellería de Sanidade e Servizos Sociais, en relación coa solicitude de axuda para "Mantemento, realización de programas e investimentos destinadas á prestación de servizos sociais polas Corporacións locais", presentada por este Concello, dase conta dos expedientes instruídos ó efecto (Plan Concertado 2001 e Servizos Especializados 2001) nos que se conteñen as solicitudes realizadas.

E, non habendo máis asuntos que tratar, pola Presidencia dase por rematada a presente sesión, sendo as vinte horas e trinta e nove minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio oitenta e oito do Papel Timbrado da Comunidade Autónoma de Galicia, ata o folio noventa e dous, Serie A nº 1176000, de todo o que, como Secretario, DOU FE.

O ALCALDE

O SECRETARIO, ACCTAL

Asdo: Xaime Rei Barreiro

Asdo: Bernardo Soto López